

B. N. C  
FIRENZE  
1148  
4



ORATIO

B

DEI IN OMNIBUS

ADITIA

DEI IN OMNIBUS


DEI IN OMNIBUS

DEI IN OMNIBUS

DEI IN OMNIBUS

DEI IN OMNIBUS

DEI IN OMNIBUS



1148.4

1148.4

ORATIO  
DE LAVDIBVS SCIENTIÆ  
HABITA

IN ARCHICÆNOBIO VALLISVMBROSÆ

A D. Ambrosio Calepio S. T. M. I. V. P.

Anno Domini 1657.

*Serenissimo, & Reuerendissimo Principi*

CAROLO MEDICEO  
S.R.E. CARD. DECANO D.

11/18.4



FLORENTIÆ;

Typis Ioannis Antonij de Bonardis. MDCLVII;

*Superiorum permissu.*

ORAY TO  
OF LITIGATIVE SCIENTIFIC  
HABIT  
TO THE COURT OF THE  
IN THE COURT OF THE  
IN THE COURT OF THE

CAROLO MEDICO  
CAROLO MEDICO



1142.4

RECEIVED  
DIVISION OF THE  
IN THE COURT OF THE



SERENISS., ET REVERENDISS.  
PRINCEPS CARDINALIS.



*NI* expertus fuisssem in Reuerendiss. P. D. Syl-  
uano Geri hospitalitatis officia, ineuitabilis  
mihi erat transitus ex Canobitis, ad Giroua-  
gos; adeo singularis hac virtus ignota est,  
ut eam non nisi in vno Congregationis no-  
stræ Monasterio reperire potuerim; quasi in exilium acta in-  
ter has syluas, apud hos Patres tutum sibi parauit domici-  
lium. Magna Dei prouidentia, vbi à maioribus nostris  
instituta, ibi perdurat illesa. Huic oratiuncula mea maio-  
ra imminent pericula, nam quibus incognita est humanitas,  
inuisa est & scientia: Ob id pientissimas tuas exposcit ma-  
nus, Serenissime, & Reuerendissime P., ut quos clemen-  
tiæ effectus elargiri dignatus es Auctori, impendas, & ope-  
ri. Inops est verborum copiae, & elegantiae florum, sed  
Theologus loquitur, Religiosi viri auscultant, apud quos  
A 2 rerum

4  
verum pondus valet, verborum inania transmittuntur. Be-  
nignus Altitudinis Tuae obtutus satis ei erit ad ornamen-  
tum, mihiq; satis ad honorem. Ex sacra Archicanobio Val-  
disumbrose. Die 13. Feb. 1657.

Alt. Tuae.

Humiliff. Servus

D. Amb. Calepius.

Que





3  
Votiens multa, ac magna, quæ in explicandis abditis scientiarum arcanis requiruntur, mente reuoluo ( Illustriss. ac Reuerendiss. Abbas, Religiosissimi

Auditores ) imparem viribus meis materiam fuisse fortitum, non me latet decreto mihi, ac imperato tanti operis ministerio; quippe sine docendi peritia, dicendi facundia, interpretandi subtilitate, ac disserendi copia rectè exerceri non posse, & est a legibus definitum, <sup>a</sup> & ab earum exploratoribus vnanimiter approbatum, <sup>b</sup> quæ singula aliquibus perfectè contingere, vt rarum est, sic rarissimum vniuersa; mihiq; tardioris linguæ, impeditioris loquelæ, ac beati oris, & si non potiora ex prædictis, gratiora profectò à maligna factorum iniquitate sunt denegata. Num cum Moyses Dei amicus, ac diuinarum, humanarumquè rerum ita peritus, vt nihil in eo expectari ad omnia etiam summa peragenda posse videretur, ob hoc tantum, quod esset e-linguis, demandatum sibi à Deo ad Pharaonem legationis officium, constantissimè recusauit; cum vius Dei sermo, & efficax, ac penetrabilior omni gladio ancipiti, & pertingens vsquè ad diuisionem animæ, & spiritus, vt imposito munere fungeretur nec efficere valuit, nec præstare; Ego cum iisdem fandi obicibus, sine iisdem virtutum fulcimentis non dissimilem ab ea, quam ipse formidabat provinciam assumam? Ad hanc cathedram, quæ Flo-

a l. unic. de  
profess.  
b legisse in  
lo c. & cano  
in c. 1. de  
mag.

rentibus semper ingenijs maxime patuit, post innu-  
 meras in addiscendo vigilias, post summos in edo-  
 cendo labores iam fessus, ac adeo corpore eger,  
 vt ad leuissimas etiam curas ipsamet anima contre-  
 miscat, nunc moderator ascendam? Vna occurrit  
 defensio, quod amplitudinis tuæ iussis (Præstantissi-  
 me Pater Decane) obniti non debeo. Tibi cum Ec-  
 clesiæ clauuo summum Deus iudicium dedit, mihi  
 obsequij gloria relicta est: tua in dignitate diuinam  
 illam intueor maiestatem, qua nil maius reperiri,  
 vel excogitari potest, tuisquæ in mandatis, quasi  
 in quodam numine cælestia audire præcepta, pro-  
 fiteor; cum Deum audire, qui superioribus obtem-  
 perant, viua ipsa veritas suis in verbis vsquæ in Æ-  
 uum duraturis perpè nos doceat: ita dum in tuis  
 diuinis, dum in diuinis tuas iussiones opere com-  
 plere aggredior, magna attollor fiducia redditu-  
 rum mihi Deum eloquium electum, qui, & os dat,  
 datumquæ aperit, apertum dilatat, & dilatatum sa-  
 pientia, & scientia replet: Verum dum ad destina-  
 ta propero, nonnulla, ex pluribus quæ de scientiæ  
 præstantia dici possunt, cum à maiorum institutis,  
 tum à veterum consuetudine, quæ quandoquæ si-  
 ne culpa, nunquam sine conuicis antiquari potest,  
 præmittere vehementer compellor, potissimum ve-  
 ro, vt eius excellentia perspecta vestrum (Ornatissi-  
 mi Iuuenes) conciliet amorem, alliciat animum,  
 inflamment desiderium: Quemadmodum enim tot  
 flo-

florum admiranda varietas, tot saporum mira suauitas, tot vocum discors consonantia præcipuos corporis sensus mulcent, atque delectant, vt nec visu oculis, nec auditu auris, nec gustus dulcedine expleantur, verissimeque, ac proprie dictum, quo plus sunt potę, plus sitiuntur aquę; ita singularis scientiæ species, vnica literarum fragrantia, ac excellens nectar adeo mentem oblectant, vt intueri, ac gustari nequeant, quin magnopere requirantur. Habet, & virtus suas illecebras. Vestro igitur ingenio, quod velox præcurrit ætatem; vestrę mentis, quę iam erecta non nisi sublimia pertractat, propensionis vestrę, quę in bonarum artium cultum, cęu in Solem Elitropium, semper fertur, ac circumfertur, stimulos vel addere, vel innatos retinere, vt non fuerit, inutile ita fortasse, nec iniucundum. Quo in opere magnus mihi se se offert dicendi campus, festiua prandi materia, & redundans, ac celeberrimum argumentum: quandoquidem scientiæ, quę melior est auro, pretiosior argento, nullum optabile æquari posse, in sacris habetur oraculis. An autem, vt ex multis summam deliberem, parum ne vobis videretur, ab ipsa nos habere esse hominis, vt ab anima esse entis? Scitum est illud Abbatis acutissimi canonici iuris internuntij dictum, informat (inquit) scientia intellectum, vt anima corpus, sine anima hoc pulvis est, & cinis, ille sine scientia inutilis materia, vtrumque simul sine ea onerosum, ne-

*Abb. in c.  
prudentiam  
de off. del.*

terræ dicam, exitiabile pondus. <sup>a</sup> Nouerat hoc, & ille Philosophus apud Laetium, qui indoctum hominem super lapidem sedentem aspiciens, lapis super lapidem, exclamauit, & vetustissimi æui sapientes, quibus in more fuit per arcanarum literarum allegorias, & sensuum mysteria profundam sapientiae inquisitionem, tradere, quid per Promethei Fabulam, qui ob eximiam ingenij excellentiam homines è luto finxisse, eosdemque Mineruæ auxilio cælesti igne, dicitur, animasse, quid, inquam, aliud innuere voluerunt, nisi sine scientia homines, non homines, hominum potius esse imagines? quia illo adhuc tempore ( quidam ait vir eruditissimus professione monachus, dignitate abbas ) infinita erat stultorum multitudo, quos velut platea lutum larga ignorantiae tenebat habitudo; nonnullos colligens de medio imperitæ, ac stolidæ nationis illis doctrinam, velut formam humanæ impressit rationis; digna sciendi norma, velut humana forma reddidit ornatos, quos inuenerat crassa, ac deformi lippitudine luculentos. <sup>b</sup> O magna scientiæ vis; O inenarrabile doctrinæ beneficium. Quid ea nobis contingere potest, vel illustrius? Cuius gratia ad hoc luto, ab hac argilla, ac densi corporis cimento, quasi eruti, in vere viros, in nobilissimas creaturas, in perfectas Dei imagines euadimus, prosumus, erumpimus, euolamus? Quid vel præstantius? cuius munere quanto magis secernimur à lapidibus, e-

lon-

*b Phil. Abb.  
de fil. cler.  
s. 48.*

longamur à brutis , tanto intimius cęlestibus appro-  
piamur mentibus , adeo quod nihilo iam mediante,  
sentientibusque Philosophis infimum superioris na-  
turę cum inferioris naturę supremo comunicare ,  
an contigui simus , vel continui facilius contendere  
possit , quam definiri ? Profecto tam admiranda ef-  
ficat scientia , & ad tam alta spatatur , vt apud ve-  
teres , neque homines tantum , neque Dij , sed simul  
vtrumque , & crediti sint , & habiti literati viri .  
Nonne Herculem , cui vt numini aram erexit anti-  
quitas , calcasse monstra , necasse angues , leonem  
Nemęum claua percussisse , Hydram Lernęam in-  
terimisse , Aprum Erymanthium occidisse , ceruam  
in Menalio nemore cornua gerentem cepisse , Stym-  
phalidas aues in nube sagittis confodisse , Antęum  
inter vlnas strangulasse , columnas in Oceano fixisse ,  
Geryonem tricipitem vicisse , boues abigisse , taurũ  
peremisse , Achelaum Monomachia superasse , vir-  
tutis totum fuit , ac scientię officium ? <sup>a</sup> Nonne  
Iosephi scientia seruata ęgyptus , Danielis Persia ,  
Moyſi populus Israeliticus ? Sed quia his nunc vbi-  
que ad seruiendum dispersis , illis tot postea bellis ,  
& hostium incurſionibus deuastatis , atque dirutis  
imperfecta fortasse , videri potest illa salus , quę  
tempore frangitur , perfecta vero , quę caducum  
ęternat .

*a Cetera sunt  
per allegori-  
um Luscia-  
ni de Heren-  
le Cetrice  
Nos inqui-  
unt Hercu-  
lem verbo ,  
et ratione  
omnia opi-  
namur esse  
cisse. cũ sa-  
piens fuerit.*

Nonne sempiternam tribuit scientia permanen-  
tiam nominis gloria vitę nostrę , quę vt vapor ex-  
ter-

terminatur, sicut nubes pertransit, velut umbra fugit, ceu fumus euanescit, & quasi agri flos mane albescent vespere decidit, vt dubio procul tunc potissimū nulli simus, cum maximè florere arbitramur? Dulce sane eloquium, blandū supercilium, CLARA frons, BENIGNA saluatio, comitas in socios, protectio in amicos, hospitalitas in extraneos, mansuetudo in hostes in cunctos vrbalitas magnum parant viuentibus nomen, quod tamen cognitoribus ruentibus, & ipsum ruit. Clarissimorum Scriptorū nomina manent in <sup>a</sup> animis hominum, in æternitate temoorum fama rerum, cæteros velut in glorios, ac ignobiles obliuio obruit, hi suis in operibus posteritati traditi superstites sunt, nam fama, quam scriptorum præstat elegantia, durabilis est, fundata debilitate, leniter aucta, breui dilabitur. <sup>b</sup> Quæ cum ita sint, quis ex vobis tam erit sui immemor, quis tam contemptor, & paruipensor, qui ad scientiæ acquisitionem totis non respiret conatibus, quando cupido gloriæ etiam à sapiētibus nouissima exuitur, <sup>c</sup> eique etiam sepe boni indulgent? <sup>d</sup> Num non Seneca, cuius moralis probitas adeo est certa, vt inter consultissimos diuinarum rerum scriptores non modicum sit de eius salute litigium, huic concessit affectui; Qui pro immenso munere habiturum se gratiam, & famam apud posteros precabatur? <sup>e</sup> Num non Cicero magnus ille eloquentiæ parens; qui Luceo ita scribere pro magnifico habuit. Te (inquit) pla-

<sup>a</sup> *Franc. Petr. de re-med. vtri. for. lib. 1. dia. 117.*

<sup>b</sup> *Petrar. lo. praelli.*

<sup>c</sup> *Tac. Hist. lib. 1. d Tac. in vi. Agri.*

<sup>e</sup> *Franc. Petr. de re-med. vtri. for. lib. 1. dia. 117. Rado. Lamo. Epist. in spe. hum. vs. se lib. 1. cap. 3.*



planè rogo, vt & ornes nostra fortasse, plusquam  
sentis, & in eo leges historiæ negligas; amicitiaq;  
nostre plusculum etiam, quam concedit veritas, lar-  
giaris? <sup>a</sup> Num non C. Asinius, & Messala, Auintius  
ac Æterninius; Qui posthabita quæstuum magnitu-  
dine, famam in posteros præmia eloquentiæ cogi-  
tarunt pulcherrima? <sup>b</sup> Optimi mortalium altissima  
cupiunt, & vt in ceteris rebus mediocritas est omnis  
virtus, hoc vnum insatiabiliter parandum, prospe-  
ram sui memoriam. <sup>c</sup> Ad hanc, pro qua tot subiit  
Theseus pericula, tot iniit Alexander prælia, tot  
certamina Pyrrus, pro qua vltimum orbis terræ ter-  
minum petiit Agricola; Vobis (Optimi Patres) fa-  
cilis est, ac patens aditus humanarum, ac bonarum  
artium studio, quod enutritur in vmbis, augetur  
otio, ac exercitio perficitur, in quo quicquid mo-  
lestiæ inest, potiori compensatur oblectamento,  
quod à veri cognitione ab ingenuis animis iucun-  
dissimum percipitur. Cæterum ea est scientiæ am-  
plitudo, vt ne dum perpetui nominis gloriam se-  
ctatoribus suis præstet, sed ad auctoritatem haben-  
dam, ad parandas diuitias, ad summas etiam ca-  
pessendas dignitates magnum conferat adiumentum.  
Ite libeat per antiquos annales, & præteritorum  
temporum renouare memoriam. An nõ Menander  
poeta nouæ comediæ auctor, suauis ingenio, ac ar-  
tificio politus à Regibus Ægypti, ac Macedoniae  
per legatos, & classem quæsitus? <sup>d</sup> An non arator

<sup>a</sup> Lib. 2.  
Epist. 22. f. 2.

<sup>b</sup> Tac. ann.  
lib. 1. 3.

<sup>c</sup> Tac. ann.  
lib. 4.

<sup>d</sup> Ex flor.  
bis.

Philosophus à Ptolomeo Philadelpho octuaginta talentis donatus ? An non ab hoc ipso rege septem è Græcia poetæ inter aulicos asciti , inter proceres habiti Pleiadas appellati , in quibus Theocritus , & Lycrophon fama digna nomina ? An non Dandanus Brachmanorum peritissimus senex ab Alexandro Macedone, vsque ad vltimas Indorum solitudines ; Cynicumque Diogenem ab eodem vsque ad illud suum dolium, quo pro volubili utebatur hospitio visitati ? <sup>a</sup> An non Virgilius ille rusticanis parentibus natus, & Flaccus Libertino patre progenitus ad tantam gloriam , & summi Augusti gratiam peruenere, vt huic epistolarum officium obtulerit , illi vnquam nihil petenti denegauerit ? <sup>b</sup> A senatu etiam, populoque Romano tantum honoris habitum fuisse Virgilio suum carmen in theatro recitanti , quantum rectori ipsi generis humani memoriæ proditum est . <sup>c</sup> Habet hoc excellens scientia possessoribus suis auctoritatem , miratoribus reuerentiam confert, & pudorem . At qui Senatus , & Populus Romanus ; Augustus , & Alexander ; Ptolomeus quoque cum Macedoniæ , & Ægypti Regibus , & quotquot vel excoluerunt studiosos, vel tutati sunt doctos , aut venerati , omnes vno cedunt Laurentio Mediceo , cuius humanitatis officium in Hermolaum Barbarum omnem superat loquendi facultatem . <sup>d</sup> Quis acciuit, ac magnificentissimè habuit Demetrium Choncondylen , Marsilium Ficinū, Geor-

<sup>a</sup> Plin. in  
git. Alex.

<sup>b</sup> Suet. in  
vita Hor-  
gij Claud.  
Den. in vita  
Virgilij Cri-  
stus de hō.  
discip. lib.  
7. c. 11.

<sup>c</sup> Ex dial.  
de ora. ad  
calcom. op.  
Tac.

<sup>d</sup> Pe. Cri.  
de hō disci-  
lib. 16. c. 9.



Georgium Vespuccium, Christophorum Landinum, Angelum Politianum, Io: Picum Mirandulæ comitem doctissimos, & veterum auctorum peritissimos viros. <sup>a</sup> Laurentius Mediceus. Tot præclarissimorum virorum studia quis vel honoribus enutriuit, vel incoluit opibus, nonne Laurentius Mediceus? quis pulcherrima Græcorum monumenta pene oblitterata æternitati restituit? Vnus Laurentius Mediceus. Quantum vno Laurentio Mediceo. vniuersi debent literati viri? Quantum literæ? Namque docuit hic, commentabatur alter; legerat iste, interpretatus est ille, linguas vertit in linguas, Massilius Græciam duxit in Latium, Politianus Latinos reduxit in Græciam. <sup>a</sup> Sed cur profana recolimus, cum sacra teneamus? David, qui literas non didicerat, non prius regni administrationem suscepit, quam gratia Spiritus Sancti scientiæ donum perceperit; cuius vocatione effectus est ex pastore Doctor summus, ex Doctore imperator maximus. <sup>b</sup> Nec profetâ ad imperium super gentes, & regna. legimus vocatum, nisi habitis prius in proprio ore Domini verbis. Ecce (inquit) ad Ieremiam dedi verba mea in ore tuo. Ecce constitui te super gentes, & regna. <sup>c</sup> Vnde & Ecclesia, quæ secundum Dei monita, proprias dirigit actiones ad pastorale fastigium, non nisi ex omni populo doctiores prouehit, quibus nihil sapientiæ, nihil scientiæ, nihil desit industriæ, <sup>d</sup> eisq; adsit ad eruditionem humanarum literarum peritiæ, <sup>e</sup> ad edificat

<sup>a</sup> Ex incerto.  
Auc.

<sup>b</sup> Can. quis ecclesiasticus hinc estiam.

<sup>c</sup> Ex' eod.  
Tex. qui ecclesiasticus.

<sup>d</sup> Can. licet ergo 7. qu.

<sup>e</sup> Can. legimus diffin. 37. et can. leg.

ficationem sacrorum canonum cognitio, & ad satisfactionem reddendam petentibus noui, ac veteris testamenti intelligentia. <sup>b</sup> Hos nobilibus equat, specialibus priuilegijs prosequitur, pinguioribus præbendis subleuat. <sup>c</sup> Hos ad spiritualia dirigenda dicit necessarios, & ad temporalia tractanda maxime opportunos, quibus Ecclesia indigere fassus est quædoq; ipsimet Pontifices maximi. <sup>d</sup> Per hos quasi per stellas in perpetuas æternitates emicantes totum illuminari mundum, testatur Imperator, per hos subditorum informari vitam à Deo, ac ministris eius parendum iterum profitentur Præsules summi. <sup>e</sup> Igitur si apud vos (Pijssimi Patres) humana dignitas, si prospera memoria, si auctoritas, si spirituale profectum, si temporale commodum, si vestra, & publica cura aliquid habet impensi, progredimini ad scientias comparandas, ad hanc enitimini, hoc laborate: Omnia ad hoc incitamenta pro vobis sunt. Loci solitudo, vt contraria illecebris, sic studio apertissima, & remoti à sollicitudinibus, & curis, ab hominum obsidionibus, & exagitationibus mundi, & quibus, & cordatorum hominum animus defatigatur ad sacros hos montes euocati in his fontibus Hippocrenæ pulchrioribus, anienioribus Castalio, vobis erit scientiæ aquas suauius aurire, quam fuisse Musis iucundum fabulosè dixere Poetæ. Quod si Q. Maximus, & P. Scipio cum maiorum imagines intuerentur, ad virtutem vehementissime accende-  
 ban-


*a* Can. nulli  
*z* B. can. qui  
*episc. dis* 23  
*b* dicto can.  
*qui episc. abb*  
*in c. cum in*  
*cunctis de*  
*elect.*  
*c* Abb. et c.  
*DD in c. de*  
*multa de*  
*proben.*  
*d* In c. cum  
*vx co de ele*  
*ctis. in 6.*  
*e* In Aut.  
*habita Co.*  
*ne filius pro*  
*pa.*  
*Nor. in ca.*  
*super specu*  
*la de mag.*

bantur ; <sup>a</sup> in tot viros in hoc Archicenobio spiritua-  
liter natos , quorum effigies ubiq; effulgent , quo-  
rum doctrina profligatis Simoniacis , deuietis Nico-  
laitis hæc Dei nauis ab alternantibus fluctuum tu-  
moribus maximè exagitata , ac penè demersa tran-  
quillitati reddita est , vestros cogitatus iactate , vt  
eorum vestigia sequendo neq; vos religionis , neq;  
religionem vestrum peniteat . Sane imperante Illu-  
striss. ac Reuerendiss. D. Syluano Gerio, qui pro la-  
boribus plurimis , pro moribus castis , pro actibus  
strenuis ad summum Religionis gradum , olim eue-  
ctus , nunc ad huius cænobij felicitatem , pastor da-  
tus præcipuus vitiorum vltor , altor virtutum , dum  
quod egit, & exigit; studia, quæ probis iucunda, ea-  
dem etiam ignauis tutissima sunt : neq; Perillustis,  
ac admodum Reu. P. D. Bruno Bruni , homo mihi  
homini Deus, cui etsi satis ad gloriam sit ex antiquis-  
sima, ac recepta consuetudine Abbatibus proximū  
esse , <sup>b</sup> dum ex speciali permissione prioris claustra-  
lis munere fungitur, aut sinet sine præmijs laborem,  
aut sine animaduersione desidiam . Dixi.

*a Sal. de be.  
Ingen.*

*b Decanus  
Vall. pr. ha-  
bit post Ab-  
bates prala-  
tione ex an-  
tiquiss. con-  
suet. exercet  
Prioris offi-  
cium ex per-  
missione ca.  
29. Celsis.  
Ord.*

2 1118. /1



17-4





MC

